

湘

瑟

詞

序

余與司寇元冲公鄉會皆
同榜二十年已前唁其喪
子而戚賀其得子而喜執

手慰勞馨歎悲歡歷歷如
在睂睫今年復游雲間得
見其子寶汾皎然如玉樹
臨風蜚文落藻已爲都人

士領袖讀其詩文編珠貫

玉能脩舉其家學錦樓湘

瑟有餘光矣以寶汾之成

立如此而余之老耄視息

爲何如人言司寇中年喪
子精修檀度孔子釋氏抱
送有徵寶汾生具宿慧讀
書纘文能記他生之所習

觀音大士十六無畏所謂
無子求子得生福德智慧
之男蓋可執券而取余學
佛人也覩寶汾之英妙深

知經語信而有徵歡喜無
量而不復如昌黎之得見
北平三世以久居人世爲
可嘆已曹子桓有言文以

氣爲主氣之清濁有體不
可力强而致寶汾之詩固
已金鏘石戛紛綵繁會矣
而其清英峭特霞飛颺舉

秀出于筆墨之外者非可
以學而能勉而中者也迦
陵頻迦之鳥當其在殼其
聲已踰衆鳥師子兒方躑

地野干聞其吼匿影竄去
此非有體氣焉主之而若
是乎余老矣不復耽世間
文字無以長子少陵有言

陸機二十作文賦此吾子
之時也賦不云乎傾羣言
之瀝液漱六藝之芳潤謝
朝華于已披啓夕秀于未

振文章之道新新不窮當
與年齒俱進騁騏驥于修
塗鞭影入心固知其不干
里不止予猶能憑軾觀之

掉鞅于中原不徒以詞賦
爲君子也寶汾其懋勉哉
丙申重九蒙叟謙益題

序

往在壬寅之秋與錢子蕓鮫定交於時連袂尋歡分曹
命酒興酣耳熱發爲詩歌酬答率無虛日相得甚謹也
已而別去蕓鮫官京師僕戢影海畔踪跡邈朕如辰
參之隔比者再過非城蕓鮫方休沐里舍班草之暇重
問前遊所著詩詞已衰朕成集僕受而卒讀而不覺有
槩於中焉昔龍門撰虞卿傳謂非窮愁不能著書歐公
論梅聖俞詩亦以爲窮者後工向固心疑其說以今觀
之而知其不盡朕也以僕十餘年來行吟山澤遠跡羊
豕至隱約矣而才盡意消欲求隻字之工而不可得蕓
鮫居清切之地入有視草之榮出有采蘭之樂雍容車

佩所至都雅而詩筆清華名滿海內卽湘瑟一編抑何
引商刻羽嚼徵含宮颯颯而可誦也假使當今立樂府
祠竹宮則蕤斂之詞必采習絃誦被之律呂如司馬長
卿故事又使供奉內庭流傳歌苑則金甌玉斧之句必
邀九重之知黃河白雲之篇且發雙鬟之響矣狀則
昔賢之論殆有爲言之以自寫其磊砢不平之意信平
工者之不必窮而窮者之未必工也抑僕更有說焉詞
以湘瑟名意若以仲文自况夫曲終江上句非不工狀
寥寥十韻何至遂乞靈於神助以視蕤斂驚才絕艷杼
軸予懷大曆才人殆不免有慙色矣

鹽官同學弟彭孫適拜識

序

歲在馬逢月當龍御雉媒日暇問獵苑於吳城魚蕩波
深訪釣徒於申浦時有青峯江上賦瑟才人實則紫禁
雲中含毫舊侶爰開西墅許水監以哦松特館南州其
漫郎而折芰燈前側帽旣多顧影之憐酒畔鳴箏遂有
緣情之製風流宛在比思曼以垂楊姿態橫陳擬子京
之僊杏淒清欲絕我見之始欲言愁哀樂無端人聽焉
渾難自主舞山香之一曲技至此耶聞水調之數聲觀
其止矣蓋詞原靡麗體雖本於房中而語必遙深義偏
通於世說彼漢宮之衣袂固自傷淫若宋殿之屏風尤
爲尖雋而葆鬢穠纖合度搖曳成姿拘益加妍在疑雨

疑雲之際淡還生艷是非花非霧之間譬姑射之冰肌
何妨金粉若太真之玉質更勝鉛華故使淮海慚聲屯
田輟響美人南國歎紅豆之叢生詞客西崑謂青蓮之
再出昔天下歷三百載此道幾屬荆榛迨雲間有一二
公斯世重知花艸信乎五茸之興廢關於三李之重輕
今葆粉閣映湘真樓鄰髣髴彼徒形其倚樹此益美乎
積薪君將奉 勅以填七寶施諸上苑我且選聲而聽
六么付與歌鬟倘或問陸賈之裝黃金幾兩則請誦姜
夔所譜白石一編耳

康熙戊午且月天貺節舊寅同學弟吳綺拜撰

序

五陵煙月最說長安三輔笙簫尤推鄠杜縣名盤屋樓
前多織錦之妻殿是馭娑闕下有橫鞭之客於是貂蟬
季少金粉仙郎衛叔寶之體不勝綺羅王夷甫之手詎
離珠玉時則柳衣染綠荔帶垂青鳴箏而過公主之園
挾瑟而上將軍之第臺前放仗見南苑之參差閣下傳
餐望西山之蔥鬱李嶠爲秋雁之篇王維有紅豆之作
寫之玳瑁知才子之多情譜以瑩篔簹驗佳人之巧笑狀
而蛾眉善怨時懷故里之鶯苔蟬鬢工啼每念微時之
姊姒雲中射雁偏愴晨風苑後釣魚恒悲流水絕憶嵇
康之鍛慣思張翰之鱸是則柳郎中之小令麗句雖多

牛給事之新聲愁端不少僕類楚狂偶來燕市一聲河
滿憐司馬之青衫三疊陽關羨尙書之紅杏不揣題詞
之贈矧當分袂之辰逐秋風而竟去余是愁人嗎明月
以相思君真健者

陽羨同學弟陳維崧其年撰

序

雍門之曲愁思生援琴之先長康之畫傳神在阿堵之
內裘成煩質一毫萬金駟駕超光阜形十影構凌雲之
樓觀不負錙銖躍方響於麤寶相求律呂始信好辭之
絕妙寧非天下之至精我友葆翻灼狀玉舉其爲曲子
纖恨無遺拔初日之芙蓉濯新月之楊柳若其早遊郭
隗之臺久索東方之米直廬夜靜太液波澄至於煙柳
逢迎板輿升降烏鳥之私得請葦鱸之興非賒又如勝
友招尋求仲而兼羊仲作辰臨眺傳杯而不放杯及夫
觀壁間之遺挂楊太潘存感竹邇之流連芝焚蕙歎又
有驂疲歎段短策殘陽花贈將離長亭細雨以至重重

簾隙時見遠燈寂寂烏中忽聞哀笛莫不形神俱往徙
倚何依江醴陵本是恨人衛洗馬誰能遣此展硯琉璃
之匣按彼綠腰抽毫翡翠之牀付諸紅袖諸香雜襲聞
之者清覓十色陸離見之者刺眼於是綺陰庭院叫檀
板而抗音朱鳥窗櫺展牙籤而披覽消愁蠲疾可代金
萱易髓變容同於玉醴矣

同學弟金是瀛蓬山氏題

序

原夫鏡歌稱曲始自漢初倚聲製詞昉於唐季移商刻
羽無非按譜之音繪月雕雲盡是言情之什調非一闋
體有數端情文之美可得而言若乃地異巫山人同洛
浦桂苑之蟾乍吐靈河之鵲爭飛蝦簾以銀蒜爲鉤鴛
帳以犀渠作鎮於時潘令登車爭縈皓腕江郎對榻暗
結同心當斯繾綣之餘豈乏定情之句狀而十五王昌
翻憐嫁早三生杜牧偏恨來遲鴛鴦飛去誰招紫玉之
魂孔雀歌殘空灑蘭芝之淚故有禽名精衛艸號靡蕪
悵井底之銀瓶望刀頭之明月事極傷心音同激楚至
於櫻桃玉盃東閣留賓菡萏金塘西園宴客慶郎鬢髮

能爲雙鳳之歌絳樹弓腰欲作飛鳧之舞雖復弱毫三寸敏瑰枚臯清酒數升罰同安國靡不扇芳辭於金谷
揆麗藻於瓊筵况夫屈大夫銜悲湘水李都尉雪涕河梁秦川公子竟銷適楚之時蜀國詞人腸斷遊梁之日
不有名篇孰標勝景倘無傑構曷叙離情豈徒王筠咏芍藥之花正叔賦琉璃之盃僅推博物漫詔雕蟲而已
哉吾友錢郎當今作者一雙何阮遜此風流八米盧生懶茲淹雅香畱繡褥羨荀令之重來出度紅牙訝周郎
之數顧不數玉鳧妙曲翻爲珠珣在聲爛如雲錦疑擗園客之絲燦若珠璣駭吐文成之石昔思光以玉海名
篇飛卿以金荃命集辭章之麗今古同之嗟乎雅樂失

傳知音罕遺伶工選調每乏風華才子摘詞難調絃管
欲求樂府之遺試咏湘靈之製庶幾秦淮海之婉戀清
新柳屯田之柔靡詭冶覩茲新著煥復舊觀僕與錢郎
夙同雅好妖姬北里共蹋春陽散酒宜城偕邀夜月於
焉吟成艷體奏以名倡鳳簫低壓暖偎杏子之衫鴈柱
輕移羞掩桃花之扇或悲歌琪樹調類秦聲或緩度銅
鞮音同郢曲方當攷玉尺之制有裨警宗豈徒訂彤管
之訛漫誇神解

同學弟董俞樗亭氏題

湘瑟詞卷之一

申浦錢芳標蕤斂篔

轉應曲

楊柳楊柳影蘸滿橋別酒平明小雨霏微那更離亭絮
飛飛絮飛絮人與春光俱去

花非花

早春花初旬月一半開三分缺香憐淡泞未須穠影愛
朦朧偏勝微

柳枝

紅杏花梢逗晚晴嚙雛鶯手奉珠箔出中庭步盈盈
獨倚畫闌無一語空延佇閑思往事悔多情誤今生

荷葉杯

憶昔峭寒庭院初見珠箔燭花紅。謝娘多病脫妝慵。笑語暫相同。城上烏啼天暝。隨去記取。若相尋。小橋斜徑。綠槐陰。門掩夕陽淡。

臨江仙

春暖蘭皋鴻鵠閒。青娥斜鞦煙鬟。六銖衣薄步珊珊。波。粼。粼。碧。日。暮。弄。珠。還。交甫自憐仙分少。此生無計相攀。數重如畫楚南山。難逢易別。腸斷水雲間。

又

水廟陰霏捲綠蘿。鷓鴣隔岸啼過。暮天髣髴倚湘娥。秋風。嫋。嫋。木。落。洞。庭。波。惆悵翠華遊不返。愁心蹙損雙

蛾。至。今。修。竹。淚。斑。多。黃。陵。月。冷。空。自。鼓。雲。和。

又

湘浦新涼午睡醒。水荇開遍秋汀。楚天臺殿敞銀屏。高唐雨散。十二晚峯青。暗想瑤姬曾薦寢。應車一去難停。鴨頭無恙漲浮萍。可憐冤夢。多半爲娉婷。

又

暮色停車眺雒川。縠紋風動淪漣。宓妃拾翠出芝田。驚鴻不定。照影最翩翩。何處生塵羅襪去。獨畱新月嬋娟。嬋娟來想像不成眠。鏤金香枕。曾壓綠鬟偏。

更漏子

詞舞殘風露曉。淺悔別時艸艸。湘竹簟。越羅帷。悶來唯

睡宜。虛館暮。夢君處。覺後閒愁無數。新月色。舊花陰。
誰能知我心。

又

畫屏斜。妝閣掩。午繡倦。拋金剪。人不語。燕交飛。博山香
篆微。從別後。漸消瘦。揉損象紗衫袖。紅雨亂。綠陰多。
眼看春又過。

江城子

謝家池閣罩垂楊。水風涼。藕花香。象梳欏鬢初卸。晚來
妝。正是畫簾剛。月午。羅帳底。影雙雙。

思越人

雨繖荷。風颭竹。夜深騷屑難聽。遠夢乍回。筠簟冷。背窗

猶好殘燈。無端舊約關心亂。賺人書信愁看。屈指過期秋。又半爭教人不腸斷。

天仙子

開罷茶蘼春寂寞。後園初拆鞦韆索。不知何事轉嬌慵。鉤繡幕。倚香閣。風起楊花無數落。

又

烏臼啼殘鴛鴦被冷。隔窗澹月洒花影。此時堪恨太畱難。驚睡醒。立俄頃。金縷半拖鬟不整。

謁金門

蟲語切。露溼桂叢香烈。八尺龍鬚涼浸月。照人雙臂雪。無奈玉郎遠別。夢醒尚聞嗚咽。偏是獨眠惆悵節。夜

長燈又滅。

清平樂

井梧飄葉。又是新秋節。憶與箇人和淚別。羅袖鳳香難
歇。尺素傳自橫塘。分明小字斜行。閒處幾回偷看。耐
儂無限思量。

女冠子

暮燈晨磬。銷却此生薄命。碧桃開。仙洞雲常鎖。劉郎未
許來。燕釵寒玉碾。彎袖縷金裁。自清齋後。總塵埃。

又

藕絲霧縠。別是道家妝束。珮珊珊。眉澹羞勻翠。脣輕
頰。注檀。鶴髓秋醮散。蛩語夜香殘。臉有淡暈。月照松壇。

又

薔薇開謝時節送春迎夏玉纖輕開展膠東紙鉤簾寫
道經無端傷往夢有約待來生願學鴛鴦伴嫁多情

又

玉笙吹徹人坐瑤臺秋月碧天空悵望銀河影沈墜桂
樹叢襪織應怯露衫薄不禁風咫尺蓬山路信難通

何滿子

撩亂飛紅無主萋迷遠碧難窮轉眼春光畱不住况兼
雨雨風風暗數芳菲佳節香闥一半愁中

又

巢燕欲辭青瑣渚蓮旋旋褪紅衣光景暗催期又過可堪

獨宿空幃，怕上沈香小閣，照人三五清輝。

南歌子

欲住還飄雨，將殘未滅燈，酒醒恨難勝。曉看山枕上，淚痕凝。

又

添麝更衣後，挑朱對鏡時。故故弄妝遲。日高牽女伴，折花枝。

又

候館將離艸，津亭並柳條。含態復含嬌。如何攀折處，最覓消。

又

繡轂絲爲憶，雕鞍玉作鞭。相見大隄邊。踟青人盡散，獨
留連。

小重山

紅板橋西亞字墻，玉驄嘶過處。已斜陽。小樓簾捲倚濃
妝。金條脫，纖手弄垂楊。一餉立徬徨。剛知留不得，意
難忘。畫闌咫尺是仙鄉。垂鞭去，人遠落花狂。

山花子

酒力闌珊墜髻偏。靜垂珠箔卸頭眠。枕畔桂香樓外，鴈
已涼天。夜檻玉蟾光漸吐，簾紋鋪水帳籠煙。影浸一
枝紅菌萐，似嬋娟。

又

洞戶春寒懶揭簾，黃昏香燼雨廉纖。因檢舊書偷拭淚，
背妝奩。花謝倍憐人寂寂，情多偏得病厭厭。閒擲繡
牀金鳳綫，沒心拈。

昭君怨

盡日倚樓凝盼，何處暮天新。願書到亦愁余，况無書。
暗想幽期密意，不信拋人容易。縱使負儂心，憶君深。

又

無數王孫芳艸，綠滿長亭古道。黯澹暝煙和，似愁多。
時節江南寒食，人倚小樓吹笛。曲罷惜離遲，雨絲絲。

踏莎行

慢響按雲愁，蛾斂翠曉屏微。雨香垂穗，衰桃片片墮銀

塘伴人鏡裏胭脂淚。非坐非眠，半醒半睡。春來鎮是情如醉。侍兒聰慧，慣猜疑也。應未解，淺淺意。

少季游

秋風秋雨，閒愁閒悶，羅幌夢回遲著。背寒輕透，簾香細初試。夾衣時。玉人一去無消息。虛館碧苔滋。枕畔韶容夜闌私語，纖悉費尋思。

南鄉子

窄徑潛行，蓼花開處，淥波明。浣女素妝低映水，斜陽裏抱却纖腰羞不起。

又

月暗風闌，晚涼浴罷，挽雲鬟。悄向曲廊閒倚，遍圖郎見。

舉袂背花搖小扇。

又

相見匆匆。日斜淡巷。書樓東。雙頰恨人嬌不語。心相許。
印得脂痕紅一縷。

阮郎歸

後堂絲雨釀春寒。金泥簾額閒。霏微香雪撲朱闌。梨蕊
開又殘。慵傅粉。懶勻檀。兩蛾行坐攢。不知瘦損玉琅
玕。但嫌衣帶寬。

虞美人

香殘小印鴛鴦字。那得蓬萊使。曾遊池館碧苔深。惆悵
舊時蹤跡杳難尋。書屏曲檻頻相見。密意傷人羨。幾

番攜手悔蹉跎。此別迢迢銀漢待如何。

又

碧桃花下鞦韆影。人瘦春衣冷。雕闌十二護瑤階。記得
太季曾此待郎來。巫山隔斷朝雲夢。淚漬鮫綃重。東
鄰女伴不知愁。約我明朝同泛木蘭舟。

菩薩蠻

泥金扇畫乘鸞女。當筵一曲春鶯語。別我去楓橋。此時
覓脂消。臨岐持素手。君去相思否。才道解相思。香頰
玉筋垂。

又

韶州紅襖裁方錦。流蘇影底珊瑚枕。沈水散濃烟。那堪

人獨眠。夜闌頻見夢。笑語分明共。夢裏最關心。覺來無處尋。

又

嬌鶯只合花間住。如何一霎拋人去。惜別酒頻持。畫船催上時。驛橋疎雨歇。幽恨山重疊。他日更逢君。腰支瘦幾分。

又

蘭堂紅燭聞謠夜。睂峯翠拂橫波瀉。緩步蹙香襖。顫風花不如。酒闌假倚語。密約心相許。願作一身棲。那堪今別離。

長相思

月墮隴。霧空濛。路轉鞦韆。畫閣東。吹窗殘蠟紅。立
匆恨重重。想得香闥春睡濃。錦衾無計同。

又

燕飛飛。柳依依。寒食江南。紅雨霏。剩香猶撲衣。
夢全違。信全稀。看盡平蕪。燕趨夕暉。繡鞦。不隨。

點絳脣

絡緯聲中。赤闌盡日凝翠坐。秋棠幾朵。細雨墻陰
羅。望斷黃昏。玉筍羅衣墮。朱門鎖。小屏燈火。只照
淒涼我。

又

蓼岸煙疎。鷺絲獨立秋潭碧。畫船吹笛。曾載神仙客。
落日重過。往事成蕭瑟。時光擲。思量無益。便是銀河隔。

巫山一段雲

髮髻雙彎鬢輕盈一搦腰魚鱗小浪綠楊橋斜倚待蘭
橈佯弄金跳脫重簪玉步搖無端紅袖隔花招狂客
倍覓消

又

小鴈侵眉細嬌鶯學語新杏紅衫薄稱腰身閒立落花
晨 撇帶如凝恨舉簾故泥人問伊何事不宜春無語
但微顰

鵲踏枝

露濕芙蓉風稍緊珍簾涼淺光景重陽近冷落秋杯閒
玉軫遠屏山色橫金粉 獨倚江樓私自忖錦字傳來

舊約難憑準。葉葉輕帆過。欲盡寒煙幾點。殘鴉穩。

玉樓春

花稍月午金鋪閉。此夕劉郎仙洞睡。蘭膏照處粉尤明。
繡袜著來腰更細。夢回珊枕鬆鬟翠。百舌催人嬌語碎。
忍寒攜手送郎歸。惆悵檀痕猶印臂。

又

鬢蟬初歛休。蘭沐。帳染石榴香。霧簇鴟絃欲撥。故逡巡。
嬌倚晚屏山幾曲。微酣膩臉。偎紅玉。笑眼慢迴心暗。
屬背燈低語。問卿卿。欲散月斜。何處宿。

鷓鴣天

螺黛微施檀注輕。柳慵花困爲多情。亦知蠶苦絲難斷。

無奈蜂偷蜜已成。書款曲，字分明。異香封裹，淚痕凝。
爲言青瑣窺郎日，便擬相隨過一生。

甘州子

畫堂西畔軟香裊。清晝倦、小橫陳。紗廚輕揭，暫相親。檀
注溼朱唇，驚睡覺、無語半迴身。

朝中措

酒闌棋罷月痕黃。移燭轉迴廊。忽憶箇人綠齒，夜涼曾
待檀郎。當季暗裏，抱時腰瘦，語處脂香。多少幽歡密
約，釀成今夕淒涼。

應天長

山牕斗帳垂銀蒜。蘭燄滅來宵未半。貼蓮腮、縈雪腕。程

血蜀羅沾薄汗。月輪斜。花影亂拂面。綠鬟香散倦枕。
夢迷休喚。儘教狂眼看。

眼兒嬌

江上烟寒蓼花紅。暝色語征鴻。畫橈纔繫。雕鞍又別。聚
散匆匆。柔腸此際。應千折。握手蹙眉峯。欲畱無計。欲
拋爭忍。欲去難從。

木蘭花

山行偶見墓門有題句云年年寒食聽烏啼腸斷紫荆花滿樹情致哀苦莫是才鬼

所作四用

其語賦此

泉臺一閉無朝暮。那憶人間春幾度。土花已滿舊時衣。
竹葉枉澆山下墓。青燐散入黃蒿路。風旋紙錢覓自
語。年年寒食聽烏啼。腸斷紫荆花滿樹。

菩薩蠻

用八聲
林寺作

酒醒夢破疎櫺曉。羅幃不鎖春寒峭。城上角鳴鳴。此時腸斷無。新愁誰得寫。又是平明也。作意費消排。翻嫌事事乖。

浣谿紗

乙巳京邸悼
錢塘詞者

雨打棠梨葬玉更。碧空吹斷玉人笙。傷心幾日是前生。宴幕尚畱鶯語滑。舞衫將化蝶魂輕。舊歡如霧不分。

又

宣武門西繫馬初。落梅時節放燈餘。金泥扇展爲君書。命似春冰偏恨薄。心同秋菼未曾舒。夜臺無路倩雙

魚

又

帶。綰。青。絲。稱。楚。腰。半。酣。紅。暈。頰。邊。潮。當。時。暫。別。尙。覓。消。
煙。燼。博。山。人。寂。寂。雨。涼。湘。簟。竹。蕭。蕭。可。堪。酒。醒。又。今
宵。

又

憶。醉。紅。螺。泥。繡。箔。背。窗。殘。蠟。燭。倦。橫。陳。漆。鬟。香。亂。雪。肌。勻。
今。夜。月。仍。前。夜。月。眼。中。人。剩。夢。中。人。小。費。何。處。點。青。
燭。

又

一。霎。韶。容。滅。彩。煙。六。銖。衣。隔。蔚。藍。天。嬌。多。原。易。損。芳。季。

金蕙。擷來無半箭。玉蟾沈去。只初弦。從他薄倖也。悽然。

又

城鼓無聲露井寒。花陰髣髴步珊珊。鮑家詩唱怯星殘。
自記生辰藏釧合。誰描小像供香檀。藕絲風斷再縫難。

又

家隔錢塘雪練飛。晚潮堆怨咽斜暉。幾時華屋燕同歸。
淚血漸應侵玉盃。土花慣解繡羅衣。蟲啼秋柏雨霏霏。

沁園春

戊申秋日送陳其季還陽羨兼讀其烏絲詞同合肥先生次韵

如此寒威犯雪餐風君何所之怪身非社燕季季作客
心同園繭旦旦抽思界就烏闌記來紅豆一卷囊中幼
婦辭天涯伴有偷聲減字舊識張徽 梁塵詞罷霏霏
漸玉漏闌珊珠斗稀儘旗亭粉壁矜將絕調鈿筆銀甲
諧入傳奇卷畫谿邊善卷洞口話到家山興欲飛空惆
悵賦湘靈鼓瑟省試分題

又

記十季前此夕長干瓊筵肆張對明蟾三五倚樓笙按
脩蛾二七背燭鉤藏勝地梁陳名家王謝曾占風流射
雉塲歸去也數白門垂柳幾換星霜 紅螺重泛西涼
又濕盡青衫在帝鄉笑弓彎揀改徒勞學舞玉纖人老

猶慣縫裳。令節持螯。滾宵聽雁。好事爭尋。獨郡揚吳。江岸想尊絲正滑。桂粟方香。

賀新郎

前題

世事看狙攫。註莊叟朝三暮四。寓言聊托。忽展尚書紅杏句。滿紙漏痕。釵脚。奈此際。驅歌方作。南浦銷魂才盡矣。悔竊桃。罰做饑臣朔。巫媿小。氣先索。逡巡鑊管濡還閣。豈隨例。涓橋車馬。主酬賓。醉搗練聲中。攜手處。愁殺短亭長薄。共貰取。離筵桑落。莫道沈沈秋夜永。聽晨雞茅店。俄成昨。且傾耳。他鄉樂。

又

錦席騷壇。攬多半。是下溪楚雨。含情有托。識字王筠。今

已少猶賦郊居鳴脚。瓦缶內朱絃獨作。却爲稻梁棲不
穩。似飄飄。候雁隨南朔。花照眼。句聊索。君過何遜揚
州閣。有無數。綵毫爭和。綠樽同酌。顧我車塵成嬾漫。才
與宦情同薄。早七見秋高風落。朱雀橋邊聯轡後。試韶
顏明鏡何如昨。恍夢醒。覓裝樂。

又

健筆蒼鷹攫。問何事終朝不飽。綠鞵棲托。禪榻茶煙軟
語罷。雨足斜連日脚。况簾外白蘋風作。著背峭寒來陣
陣。趙光陰又近。初冬朔。聽敗葉轉蕭索。酒籌調扇都
沈閣。但滿眼昏鴉冷雁。往來如醉。宓女剛妝供八斗。壯
矣此遊非薄。余亦是天涯淪落。快事吾家江水上。射銀

濤萬弩猶思昨甚破陣錢塘樂

又

僕馬侵晨發。正秋晚雨收千嶂。氣澄雙闕。空問雁池脩竹裏。近有何人賦雪。應辜負謝莊明月。西掖清光千里。共怕相逢他夕。添華髮。空矯首望天末。薊門霜柳殷勤。托筭人世掃愁驅悶。只杯中物。從事督郵投分好。漫說七雄三傑。彈指處香銷燼滅。廣武旌旗無忌。節剩春風。躑躅開如血。不痛飲復奚益。

又

粉蝶悲笳發。動游子腮邊玉筍。口中石闕。十丈軟紅休沐。宴相對藕絲曾雪。又蹋到銅街涼月。我向淹留君又

去筭幾時華頂同。踰髮最悞是。鷓班末。少季齒憶鄰。
梭拆開屈指蠶頭嵇阮。半爲異物。燕市酒徒猶未盡。祖
跣呼盧驍傑。儘堂上畱髡燭滅。躍馬昨過南海子。伴期
門雨透猩袍。血嗟陞楯長何益。

又

不寐霜鐘發。念老友雄心未已。摩挲巨闕。黃絹題成誰
得似。似噉喉山絳雪。江總在休誇壁月。便道蛾眉邢尹
妬也。憐他委地如雲髮。求遺憾無毫末。角巾瀟灑從
教拆。多病後怕驅不盡。眼前俗物酒國拍浮。吾計足入
手霜螯偏傑。袖裏刺山他。漉滅舊約買田陽羨。隱喚歸
心杜宇。聲帶血開小徑。望三益。

念奴嬌

讀梅亭樂府
用彭美門韵

愁人遙夜對寒檠蠟短風簷筆碎十載肩隨酬倡侶誰
似河梁都尉吳舫穠花燕關哀角別緒濃於醪水紫山
疊浮生縮地難遂何日買宅比鄰張南袁北裹足塵
囂肆屏當琴簪浮一葉細數淞江殘臘春雨編篔晚沙
然竹拋食馴烏鬼櫻桃短夢讓他講舍耐暄

又

此時故里正谿梅朶綻瓦禽聲碎蘭槩竹堦微霰霽早
晚攜壺鄧尉曲榭衣香軟泥鞋印媚景烘人醉當筵五
斗高談不數焦遂還憶樂事丁季垂楊繫馬調笑青
帘肆聽罷雙鬢羗笛句呼取銅盤解膾宋艷班香吳飲

澄湖面面照。徹煙鬟青一片。莫是燿光寶鑑。熒熒試。曉粧。館娃謔舞。賸有花龕。鳴粥鼓。徙倚琴臺。依舊西風野菊開。

鵲橋仙

壬子感舊

斜行小字。餘香重裹。封識依狀。鈿朶許多珍重。費收藏。能幾日。新妝婀娜。總惟燈盞。繡床塵鎖。畱得淒涼伴。我安仁。淚點驗如何。穿不了秦珠顆顆。

青玉案

無端閒檢紅箋句。又引到傷心處。秋月春花誰是玉鸞。鏡換酒獸。爐添炷。夢著京華寓。同心梳子連枝苳。散作東風三月絮。惡劣襟懷無可語。如年長日。如絲細雨。

釀得愁如許

風光好

盼花朝到花朝真箇如花慰寂寥款春宵
燈前恰似
剛纔見形相遍淺墨單衫小翠翹
鼓魂消

滿江紅

與陸君賜

頭白張徽曾供奉華清曲宴記承恩霓裳譜就重墮頻
盼十載茂陵秋艸綠調絃猶夢蓬萊殿問朱門弟子舊
蛾眉飄如霰黃褪了垂楊線紅落盡殘花片正江南
好景茅堂重見一闌當筵何滿子瓊杵亂撒珍珠串濕

青衫有客最神傷
荀家倩

時余方悼亡

金明池

經坡中故址

葵井鵬啼棘祠鼉拱。道是羅含故宅。馬矢外顏垣臥礎。
縱社日。籩燕難識。歎飄零九髻王郎。今已作朱雀橋邊
行客。任牧豎腰鎌。健兒橫稍。莫問劫灰消息。猶記承
平爲歡日。接北里南鄰。梁園梓澤。朱樓按劍。蠅銀甲。乘
檻。瞰銅駝。締陌乍毛人。夜泣。城頭便樹。古池平。燐青月
黑。似華表仙成。槐安夢醒。一尙爛柯蹤跡。

念奴嬌

舟雪

篷窗清曉。問何似訪戴山陰興盡。一幅谿山填水墨。誰
榻荆關真本。遠渚鴻泥。前邨蟹舍。約畧疎煙隱。濁醪堪
覆。從教著背寒緊。扁舟羨殺漁翁。企脚高眠。囊笠生
涯穩。瞬息鬢絲憐汝。耿耿莫恃何郎面粉。繡閣圍爐闔門

立馬往事閒思付箇人起未被池孤負鴛鴦錦

十八

蘇幕遮

送陸君賜之構
李時予將入都

月鳥驚霜。魚燈燭淚。闌珊又送何哉。太已是傷心無可

語。莫向樽前唱我傷心句。

唱予悼
亡後曲

鳳城雲鴛水壺兩

地離愁。且作須臾住。我到段師呈伎處。百子池邊宮柳

飄新絮

又

董律始諸公送余吳開舟次
誌別 以下皆祭丑入都作

鷓舟移。驪唱咽。臘酒春盤艸艸行。廚列殘雪乍消。冰尚
結。候館垂楊未有絲。堪折。踏燈時。脩禱節。問我何心。

忍負春江月。莫道故人容易別。園笋山梅。事事難拋撇。

唐多令

月落風幃空，鄰雞應遠鐘。十餘季，幽恨朦朧。縱得夢中
相見處，也只是病時容。聚散苦匆匆，春來萬事慵。歎
蕭郎又逐飄蓬。水驛風帆，渾不異，却少箇舊人同。

卜算子

人日登
虞山

倚醉太尋山，山路斜陽際。誰遣青絲挈榼隨，更作憐鵝
醉。選石藉莓苔，石罅鳴泉細。折得南枝憶壽陽，醉卽
和花睡。

琵琶僊

月夜虎丘
獨坐

茂苑煙花，都分付短簿祠前片石。無數雀舫笙歌春遊
圖，裙屐問此夜茶煙佛火。誰消受，廣場月色，霸王雄心。
名姝巧笑，墓艸同碧。記當日，趨僮乘秋，坐羣從，隄隄
穉。

翫蟾魄只合是鄉老矣。混酒徒狎客。怪底事。閒雲出岫。又逐他燕市杯炙。甚日簑笠橫塘。樵青吹簫。

玉燭新

元夕京口望大江

客愁攢節夜。况對此。茫茫大江東瀉。昏煙破處。金波散。燈燼纖阿初駕。玻璃千頃。離浮玉琳宮碧瓦。津鼓動百丈停牽。偏憐軟沙堪藉。往來楚尾吳頭。但估客帆檣。健兒弓弮。疎燈高下。彷彿認隔岸漁莊。蠹舍故園亭榭。玉臂雲鬟光射。料此際。念我宵征。紫姑卜罷。

青玉案

蒙陰道中題壁

花寇翠羽鄰牆動。早喚起。還家夢。春霧漸消山黛重。小橋西去。酒旗斜颭。且鞚青絲鞚。東菑半頃猶堪種。腐

鼠勞勞成底用。風日自佳人。倥偬生憎耳畔。齊謳咽嗽。
不似江南弄。

採桑子

晴巒一帶青堪數。弱柳金搓。嫩艸煙和。客裏春光總不
多。吳船早晚尋花去。簾映青蛾。釀泛紅螺。其奈王孫
薄倖何。

鳳凰臺上憶吹簫

非霧非煙半寒半暖。征鞍絕喜春陰。遶荒城廢壘隱隱。
遙岑過了。清谿一曲。茅舍矮幾對來禽。依稀是小屏風。
上著色雲林。沈吟。滿季去矣。向土銜。羸驂刻盡蓬心。
便海棠時候。舊事難尋。滿眼殘碑石獸。幽壙裏何代朝

簪春明夢，不如換他白墮青琴。

清平樂

做裘厖馬，何事棲棲者。旅飯炊成幾燭地。懊惱春衫塵
惹。羊腸歷盡荒山。幾家雞犬松關。只道蘧廬近也，遙
峰尚隔煙鬟。

滿江紅

再別旅舍火壁
聞柯翰周韵

大曆才華，浪說甚湘靈錢起。彈指處，半生生事，依然兩
鬢。數載合昏雞對省，兩季把釣蓴絲里。笑呼鷹躍馬太
狂生，今衰矣。三條道，車如水。五侯宅，門如市。任掀騰
百變，易窮躑技。守黑亦知師柱下，還丹無處求方士。捨
溫柔鄉外更何之，糟丘耳。

又車中戲代

登前韵

散就蕭來學漢柳三眠三起鴛被晚溫磨雁鴨相假惟
爾楚峽半宵神女夢耶谿何處蕤光里憶家山梅事近
花朝闌珊矣練一帶吳江水錦一片吳闌市怎綠窗
拋却繡床餘技薄命不須嗟巧婦傾城也解憐名士怪
勻脂未了玉聰嘶頻驚耳

又三疊

前韵

斗帳朝寒羨高臥袁安未起星飯罷勞勞馬足吾真媿
爾驛路風亭沙四面鳳城春樹雲千里得瓦盆村醞且
歌呼高春矣淚莫灑桑乾水琴莫碎長安市看積薪
競巧累砮誇技櫛內儘堪容奕奕廬中豈必真窮士笑

朱門酒肉飽徒狀，侏儒耳。

又

題道傍古塚
四叠前韵

白項烏啼正四野，白楊風起長夜客。漆燈無燄，阿誰伴爾炙手漫勞。杙柘館到頭畢，竟譟蒿里。歎龜趺螭額，舊亭碑摧殘矣。臺與榭空煙水，冠與珮曾朝市。剩燐青月黑，山魈逞技，稷下關河經百戰。蕩陰丘壠迷三士，想令威華表學仙言，欺人耳。

又

初入燕境憶故園
春事五叠前韵

艷日烘花算遊福，吾鄉剛起童冠輩。春衣葉葉，偕從點爾絃索，畫橋連夕舫。鞦韆碧柳誰家里，約紅兒南陌。蹋青毬微酣矣。平原宅春巾水，靈威洞梅真市。有鬪茶

燒筍吳儂長技。試問臺邊。淪駿足。何如廡下。樓高土極。
爲歡三萬六千場。蟬蛩耳。

又

咏春風六
登前韵

杏塢桃谿。看二十四番頻起。數不盡。胭脂萬點。飄零似
雨。靜夜笙簫平樂苑。侵晨簾幕長千里。散都梁。微逗
裙開。竟消矣。鱗片片。青蘋水。塵漠漠。青槐市。喜禁烟
節近。紙鳶施技。柳岸酒醒思少日。蘭臺賦。獻輪朝士。倩
封姨。吹送曉鶯來。征人耳。

又

鄴州堤上
七委前韵

如帶清谿。風拂處。穀紋微起。間屈指。東轅北轅。四回經
爾。嗚嗚。鳧鷖連遠渚。嘔啞。舴艋疑吾里。撫江潭。柳色感

蘭成婆婆矣。田幾變蓬萊水。夢不破邯鄲市。負撈蝦
薄業。又魚小技。倦旋聊爲濠濮想。悲譔且和幽并士。問
誰能安坐。緝生衣。車生耳。

憶秦娥

春寂莫。掃眉銜管從拋却。從拋却。此此風景。怕人提著。
今生已矣。情緣薄。荒唐浪擬來生約。來生約。知他何
處。鳳簪鸞閣。

鳳凰閣

寄中丞公
時在易州

悵路河秋曉。素冠分手。東風三弄。鳳城柳。報道饑驅陶
令。仍戀五斗。但贏得鬢華漸有。半春情緒。長似失膠
中酒。狂奴故態。十無九。憑問訊。玉釭邊。白墮。撈否。待傾

倒丁香坼後。

翹朝歡

花朝有感

梓澤亭臺何處是。依舊韶華紅與紫。一季一度莫憎遲。蜂黃變粉從今始。可憐春似綺。餘寒不著吳綾被。向作晨風前醉酒。直得爲情死。多少明妝珠箔裏。并剪輕梢勞玉指。賜緋次第徧羣芳。金鈴好護金衣嘴。青陽將半矣。惜花人去空流水。願簽名鬢持宮畔。長作掃花使。

承遇樂

寒食感舊

御柳春城到來猶是舊。日滋味。波靜簾衣字消香印。鶻語傳新霽。杏花煙外賣飴市。遠人倚闌宵。殘醉笑題詩。韓翃無賴重騎瘦馬留滯。棠梨野徑。麒麟高塚。滿眼

紙錢飄隊去。我始欲愁誰能遣此。灑盡風前淚。妝臺塵掩
影堂日暮。麥飯天涯難寄。羅襦上雙鴛手刺。化爲灰未

月城春

憶荀

輕雷山徑。正苔痕一綫。穉龍將進。雲根斲去。借箇丁錢
柄。春芽玉瑩。伴女手。纖纖難認。薦共櫻盤香。偷蘭晚。廿
疑蔗境。關干幾回。獨凭想。使船酒消。僧厨夢醒。茗椀
翻匙。又銜籠攜贈。紫苞微映。猶未到。綠肥風勁。乍削琅
玕。休調鹽豉。淡交偏勝。

河傳

南浦薄暮。水烟微。女伴前裙未褪。野棠風多。紅潮稀。飛
飛故沾金纓衣。惆悵行人斷消息。淚暗拭。如煞雙鴛

翼赤關橋碧柳條。蘭橈來。須趁晚潮。

詞金門

入都舍節未定
仰有易水之行

春欲暮。綠遍煙郊。好雨如酥。吹復住。軟紅初滌處。
萬疊吳山愁緒。半月前門。羈旅重向客中。爲客太那。
藥身似絮。

沁園春

美人
頰

誰貼詞梨。握雪團酥。充疑鬢鴉。想怯穿花徑。頻頻迴顧。
羞佞郎。腕故故。欲斜粉。脈微黏。肌香欲透。偏扣芙蓉緊。
象紗分明處。只洗頭天氣。初韻桃花。犢車繡領。誰家。
剪金鳳。團窠不用遮。羨耳環雙墜。低侵碧藕。枕函一線。
乍暈紅霞。珠箔窺時。瓊柯碾就。分外亭亭。絕點瑕。羅幃。

晚婚鴛鴦兩兩交。睡晴沙。

又美人
睡

羅袖花輕點點，仍畱鏤金舊箱。記鏡前班管，欲勾先潤。
簾前弱線已斷，猶香窗紙偷穿。書緘密啓，沾著此，此濕。
不妨妝臺倦愛，越梅青小，齒軟津涼。有時吹罷笙簫，
落幾顆隨風小。夜光更玉魚含後，脂痕隱映，錦衾嚼處。
檀印顛狂不枉，如餒真堪消渴。莫作薔薇曉露嘗，藍橋
路算華池除却，那覓瓊漿。

又美人
耳

阿母前頭影語微詞，靈犀早通。幾傳來芳信，喜占晴鵲。
送來愁緒，暗數秋蛩。搯笛層樓賣花深巷，閒處關心幼。

便聽纖瓊嫩倩香貂垂鬢護取尖風。附時密約啣唱。
怕侍女猜嫌未許從。儘夢回山枕半輪。敲側妝成珠珥。
兩朶玲瓏。髮髻纒梳彎環欲吐。弦月依稀翠霧籠重門。
鎖怪誰呼小字。熱處微紅。

又美人
息

擁鼻吟成。暮地傷心空闌悄。然似欲無還。有游絲晴颺。
將飄旋滅。沈水宵然顫。麗肢柔。喘來聲細。此際如何不
可憐。憑闌倦。數懨懨弱甚。又勝春前。嬌羞一餉難言。
怎薄汗沾衣。斷夜連豈香韉餘煖。初馳叱撥。後園新困。
剛下鞦韆。攬鏡頻吁。奉花試嗅。一縷清芬。一樣傳情騰
後借三分酒力。吹近郎肩。

又美人

韻

憶折花時幾寸青絲髮。髮覆初愛寶奩對影安黃恰正。
小釧當面貼翠誰如解事春風多情梅瓣故點含章殿。
角虛山無限映夕陽一抹渺渺愁余。水晶簾裏妝梳。
又怕熱蠲紗緜乍除道官習學畫量來休廣宿醒餘困。
感罷纔舒嬌女詩中碩人句裏費盡才情比擬渠殷勤。
祝舉玉纖加處嘿訴米蛛。龍淵清溪皆有美人諸咏朕
秋水春山金蓮玉筍猶易著

想偶見錫鬯咏美人掌膝騰背乳可謂思
妙入微因戲拈五調山谷所云空中語耳

桃源憶故人

惜惜小院丁香樹。尚有繁陰如許。記得年時。爾海青瑣。
窗中語。殘膏剩粉知何處。幾遍飛花無主。認取纈塵。

舊路從此凌波去。

摸魚兒

咏金鱖

小池塘。鴨頭新綠。胭脂千片。誰染靜菰。錦鱗朱鬣。影倚暖冰紋。雕欄波瀲灩。切莫令荷錢。荇帶參差掩。日低煙淡。向紅板橋邊。絳桃對底。相間落花點。無端是。簾額微風乍颭。淺牀幾隊。驚閃絨書。換酒知休矣。穩取柔綸收歛。調粉糝。暖喋處。石稜半寸。湖痕滅。齊紈湘簟。惹一笑櫻脣。雙臨茜袖。數罷更迴臉。

六州歌頭

易水懷古

停車野廟。煙柳正中春。驚風起。蕭蕭裏。動青蘋。似秋晨。此地荆卿館。白衣掃白虹。貫筵未半。譟聲變。泣泣叩擊。

筑酒徒意氣。方雄岸。底用遠巡。伏霜痕。七首西入虎狼
秦。毗裂空曠。志難伸。想提囊士。彈琴子。謀用矣。豈無
人。祖擊去。椎還偶。竟全身。祖龍真。那信沙丘路。鑄池語。
玉衣塵。燕臺館。阿房殿。總青燐。督亢畫圖何處。斜陽外
收堞叢榛。只泉香釀烈。巫鼓唱迎神。行旅酸辛。

鶯啼序

平明雨吹薄霧著。嬌紅瓣濕。漸驚醒蝶夢。嬌憨花鬢顫。
裊風急。傷已字闌干。西角單衣小。試鈎簾立。看漣漣。巢
燕芹泥。幾度銜入。靜鎖歲華。別館晝悄。有新香暗襲。
前春淚。多少斑痕。怕綃猶自重。哀學吳音。翠襟紅嘴。歷
離籠拋。翻玉粒。鎮無聊。如畫鞦韆。夜來收拾。凝思陳

事尤譽調笙對坐倚碧潭桂檝鬢影亂雙頰半暈樽前
箇人羞澀羅襦解處藏閣罷暗闌珊燭淚銅盤風更催
佳起作長鯨吸涼蟾正皎屢來倦臥遷逾銀床井華催
汲而今老去貯恨緘愁賸白藤蠹笈開檢蠶箋湘管
譜就蜀絃總是季時猿墜鴉泣春坡晚飛花無數吟
鞭搖斷斜照裏問紫騮嘶向誰家繫寄語浴鷺眠鷗等
我煙汀柳陰挂笠

婆羅門引

見王阮亭川稼軒詞寄袁雅庵詞時
袁已下世矣慨賦有作卽次原韵

篷窗軟語梁鴻谿上女牆西秋筵一霎傷離猶共開元
賀老瑣屑辯雌蜺背夕陽人去秋斷楓稀長年易悲

况遠道覓新知聽徹楚江一曲唱鮑家詩前生杜牧紅

樓路可憶墜鞭時空寄與短竹哀絲

賀老指膠城陸君賜袁仁於會稽是

夕席間卽演其所請楚江情傳奇

釵頭鳳

蕭馬

才思睂風如箭珠琤戛碎瓊瑤片淡閨靜嚴更定簾衣
重下薰籠斜凭聽聽聽宵將半人應倦雪花攪得宮
商亂梨雲醒蘭膏剝錯疑珠勒乍歸香徑應應應

大有

柳片玉詞

繡屏辭春綃衣迎夏學嬋娟庭條偏瘦碧旗槍花籠茗
椀初闌蝦鬚半捲杏梁暖妬紅襟並棲佳偶午夢倏逐
風吹依然一舸江口花飛盡無可咒最苦日鰥鰥金
魚共守細數芳辰總是憶歡追舊爭奈入清和後更添

却風傳雨倦積多少靜裏思量喧時尙有

萬里春

和片
玉詞

顯霞鬢翠淡泔月光花氣下鉤車闢艸歸遲帶此此薄

醉 愛極翻憎你怎藏向刺桐屏裏笑聰明輸與娃僮

早猜將人意

長吉體公詩
小闌睡娃僮

清波引

川姜白
石韻

送君南浦飲君酒爲君楚舞神眉幾許和煙向人嫵翠
被那曾暖又逐晴絲吹去勞勞亭外斜陽是千古斷腸
處 刪鞭付與板橋滑驕馬慢度後期真不倩霜雁傳
語高唐夢壓泥一半荒臺殘雨便算檠樹蓮心辨來非

苦

勸金船

小槽新漉瓊酥膩不飲君何意長繩白日應難繫况花
藥翻砌軟語雙燕猶絮畫堂如寄試看三闋獨醒在自
憔悴尊前萬事皆徒爾不換憎騰醉米絃一闋伊州
脆儘紅豆頻記珍重春纖捧處屈卮香細總有尙書期
迫君且休矣

翻香令

綈函牢合鷓鴣斑殷勤曾索絳窗閒重開檢人何處對
金鳧不忍便燒殘雙心一意本相關那知荀令損韶
顏管齋日招竟夜只世薰小像挂屏山

別怨

和借香樂府寄
女郎施開修

秋至關河，夜闌燈燭，未免多情。歌吹竹西，歸路何人聽。
滅字偷聲。歎風流杜牧重來，無限前生。

翠樓吟

聽童子歌余
自度道宮曲

對坐文茵，看調銀甲，喁喁笑語如昨。爭知湘水，瑟忽翻
入離鴻，孤鶴翠銷紅。鏤付幾字，腔低三條絲弱。沈香閣。
葬花風緊，贅槐人覺。寂寞京國棲遲。又小巷，開門烏
啼蟾落。青衫重疊，淚抵千度潯陽船泊。餘音蕭索。漸玉
粟生肌，靈風侵幌。仙緣薄。筮篋遺響也難逢著。

水調歌頭

對月感懷與
姜晉友表弟

鄉樹萬重隔，旅月四回盈。緇塵擾擾，似此蚊睫欲何營。
聽過提壺反舌，嘗到林檎盧橘，節序迅堪驚。不待秋風

起吾已憶葦蕩。如鉤曲如雲薄。見人情九疑對面無
數。豈必孟門行八尺。琅玕涼簟。一曲玲瓏小檻。蕉葉且
同傾。閉戶長安醉。絕勝李長庚。

金浮圖

寄鍾山同介維山
遊用尹參卿韻

長安地。五侯七貴。艸艸豐臺。便消花事。啓雕籠。幾放青
鸞翅。只有劉郎。領畧桃谿晴吹。芒屨躡穿嵐翠。春衫換
去。濃染金樓氣。人微醉。泉香石嫩。靜對山僧。指揮如
意。漁舟莫作仙源比。徧數含苞。看到紅英墜。塵世爛柯
應易。閒雲笑我。翻滯銅街轡。